

14.

Kristenien vad a Vreiz-Izel,  
Pedit, pedit en he chapel,  
Hag e dôr aour ar Baradoz  
E vo laouën ouz ho kortoz.

---

PERMIS D'IMPRIMER :

Quimper, le 15 Février 1889.


Em. FLÉITER,  
Vic. gén.

---

E chapel Intron Varia Kergoat ez' euz daou ~~Bardoun~~ ar  
c'henta da zul ar C'hasimodo, hag ar Pardoun braz da zul goud'  
an Assomption. Ar bëlerinët a c'hell gounit eun induljans plenier  
o kovez, o kommunia, hag o lavarët pemp *Pater* er chapel.



Kemper, mouller an Eskopti.



## Kantik INTRON VARIA KERGOAT

E PARREZ QUÉMÉNÉVEN

TON : *Intron Varia Rumengol.*

*Diskan :*

Intron Varia Kergoat,  
O patronez ken dous, ker mad,  
Er bed-ma roit d'eomp ho pennoz,  
Hag er bed-all ar Baradoz !

1.

Salud, verëlaouën skeduz.  
Salud, lilien dudiuз,  
Salud, salud, Güerc'hez dinamm,  
Salud, hon Intron, hag hor Mamm !

2.

Koant e tigor var ribl ar ster  
Ar rozen d'an nevez amzer,  
Ha c'houi, fourdilizen an Êe,  
Zo pur ha kaër e pep mare.

3.

An durzunel hag ar golvan  
A gav eun neiz d'ho re-vihan ;  
Mez ho chapel, Mamm benniget,  
Setu va neiz muia-karet.

4.

Bep bloaz d'hor bro guiniliet  
O tont eüruz a vez guelet,  
Bep bloaz, bemdez, ho tud fidel  
A zired eüruz d'ho chapel.

5.

Gant he zaë mein dantelezet  
'Vel eur rouanez eo guisket :  
Kaëroc'h chapel, hervez an holl,  
Ne z'euz nemet e Rumengol.

6.

Var an Thabor eme sant Per  
Mad oa beza gant hor Zalver,  
Mad eo d'eomp ive chomm ama  
Dirak hon Intron Varia.

7.

Dous eo d'eur vamm deiz he gouël  
Skuill he bennoz en he chapel,  
Skuillit 'ta var ho pugale  
Puill ho pennoz euz bâr an Êe.

8.

Roït, Mari, d'an dud seyzet,  
Roït levenez, ha yec'het :  
E kreiz ar mor, e kreiz an dour,  
Mari, bezit ouz hor sikour.

9.

Goazed, merc'hed o tiwoda  
Dirazoc'h a voar daoulina :  
Ni ho ped, Mamm garantezuz,  
Outho' grit eur zell truezuz.

10.

Pell ato diouz Quéménéven  
Kasit ar c'hlenvet, ar voçen,  
Ha diouz an tân, diouz ar pec'het  
Hon diouallit, Güerc'hez, bepret.

11.

Selaouit, m'ar plij, hor peden,  
Da bep-unan roit he c'houlén,  
D'an dud yaouank buez vertuzuz,  
D'an dud koz maro evuruz.

12.

M'ar kollan ho sonj, ô Mari,  
Ra vo skoët va izili,  
Ra vo va zeod holl dizec'het,  
Ma n'ho meulan, ô Mamm garet !

13.

Keit 'ma vo bruk er menezioù,  
Ha dëro stard en hor c'hoajou,  
En hor c'halon ho karantez  
A vo birvidik da jamez.